

Aisciuda Ladina: "Per Ladin, amò più bon"

Na setemèna dedichèda a noscia economia turistica: a l'acoliènzia, a la proponetes e ai magnères sporc ai ghesc e a l'empurtanza de l'identità per jir inant con maora calità te nesc teritories

Se arvejina te Fascia l temp de l'Aisciuda Ladina, la scomenzadiva che per duta na setemèna al scomenz del meis de mè lea adum enc, istituzions, mond cultural e economic e duc i setores de la comunanza de Fascia con aprofondimenc de desvaliva sort ma leè a noscia identità e nosc lengaz.

La maora istituzions che l'è te Val de Fascia, col patrozinie de la Region Trentin Sudtirol, les se à metù ensem per coordenèr chesta seconda edizion de la manifestazion.

Dò l'edizion del l'an passà che à arjont de bogn ejic, l Comprenjorie de Fascia, l'Union di Ladins, la Scola ladina e l'Istitut Cultural Ladin à decidù de meter a la leta na neva edizion che arà desche argoment zentral l'identità ladina tel contest economic de Fascia e la valorisazion del lengaz de mendranza apontin delate de la ativitèdes del lurier. Per chest, protagonista de chesta seconda edizion l'è la Sociazion Joegn Hotelieres de Fascia, vidè da sie president Guglielmo Lasagna. L'obietif l'è chel de palesèr l'empurtanza del ladin desche identità, cultura e tradizion che fesc pèrt de la vita de duc i dis. Chest perauter l'è ence un di obietives de l'atività del Comprenjorie Ladin tel ciamp de la politica linguistica col projet "Ladin e economia".

Ence la dates les à na rejon specifica ajache les tol ite i 5 de mè, di che recorda la pruma radunanza di ladins de la Dolomites sul Jof de Frea del 1920, per tegnir adum e domaner de esser recognosciui desche un popol soul.

Donca Aisciuda Ladina l'è fèr a na vida che l'ladin l'è sempre più fort te duc i ciampes de la sozietà, con chela de ge dèr l met a la jent de se fèr na reflescion su l'empurtanza de sia identità e de sie lengaz.

Fora per la setemèna vegnarà

metù a jir scontrèdes e debatic, la maor pèrt de chestes prejentèdes ti hotie e te la strutures economiche e turistiche de la Val, e dapò momenc piagegoi con la prejentazion de evenc cultural desche l teater e la musega de joegn artisè fascegn.

N program rich de evenc che tacarà via en mèrtesc ai 4 de mè e l jirà inant enscin en sabeda ai 8.

Chisc i momenc de maor empurtanza del program:

Da mèrtesc ai 4 de mè a sabeda ai 8 de mè:

te Museo Ladin de Fascia a Sen Jan h. 15.00 - 19.00:

- **Alestiment spezièl "La speisa da zacan"** L Museo Ladin endreza per l'ocajion n cianton dedicà a la speisa e a i èrc che se troèa n'outa te cèsa da fech e sora desch, duran ence toc de tesè touc fora da l'archivie storich de l'ICL, che ne reiona de che e de co che se cojinèa te Fascia al scomenz del Nefcent.

- **"Paroles e magnadives"** - terminologia per la restorazion e l turism (a cura de l'Istitut Ladin e de l'Ofize servijes linguistics e culturèl del Comprenjorie Ladin de Fascia)

- Entrèda debant te Museo

- Libres en promozion

- Degustazion sporta da "La strada dei formaggi"

te l'Azienda per l turism de Poza h. 15.00 - 19.00:

Mostra: "Il turismo un'idea mia"

Per endrez de la Scola de Fascia.

te la palestra scola mesèna de Poza:

Mostra "Dolomites: spettacolo maraveoso de isoles descortides"

Per endrez de l'Union di Ladins de Fascia e de la Sociazion Fassa Lux.

La mostra vegnarà enaudèda en mèrtesc ai 4 de mè da les 9.15, tolarà pèrt Maurizio Zanolla "Manolo" e la resterà averta fora per la setemèna per i scolees.

En mercol ai 5 de mè: Moena

Festa del lengaz 2010

te l'Hotel Foresta h. 17.00:

- Orida de la manifestazion
- Salut de la autoritèdes
- Prejentazion del projet "Ladin e economia"

Guglielmo Lasagna, president joegn hotelieres de Fascia:
Prejentazion del club de prodot "Ladinhotel"

- Video: "Ladin e economia"
- Prejentazion del "CiocoLadin" de la "Condatoria Reinhard" de Vich

- Prejentazion del program de l'Aisciuda Ladina

- Buffet sport da la Sociazion Cheghes de Fascia compagnà da Paolo Bernard al piano

En jebia ai 6 de mè a Ciampedel e Cianacei:

te teater de Ciampedel h. 17.00:

- **Conzert de Cristallarmonio e Concertina** de Gianfranco Grisi, compagnà a la chitara da Elvio Salvetti. L conzert l perveit vèlch spiegazion del Maester Grisi sul strument e sun sia storia con n program de toc de musega de autores classiche desche Bach, Mozart, Schubert, Faurè, museghes de Morricone e Rota e altra composizioni de la tradizion Jiddish e populèra de l'Età de mez.

te teater de Ciampedel h. 18.00:

- **Meisa torona** "Economia del turism e identità ladina tel davegnir" con intervenc anter i etres de l'hotelier ladin Michil Costa e de la presidenta de onor de l'Union Generèla di Ladins dla Dolomites Ilda Pizzinini.

tel Restaurant De la Vila de Ciampedel h. 19.30:

- Cena con magnadiva da zacan

tel Chino de Cianacei h. 21.15:

- **"La Conferenza"** Spetacol burlesch ladin-catalan con i artisè Nicules Merli e Joan Nebot Diez, co la regia de Aitor Basauri e la colaborazion artistica de Pablo

Ibarluzea. Na opera da grignèr metuda jù, portèda dant e spilenèda da Gino e Foggy: doi laureè honoris causa magna cum laude te cultures de mendranza porta dant i resultat de sia enrescides su la cultures ladina e catalana. Sarèi bogn de fèr dut chest senza combinèr si dejastres? L'è n viac mat, gustegol e fora da la realtà che reiona de amicitia e fradaa anter doi popui, dalonc n gran muie de chilometri, ma leè da l'amor per sia reijes, sia tera e sia tradizions.

En vender ai 7 de mè a Poza te l'Hotel Valacia h. 17.00:

- Esposizion di dessegnes del concors per l logo "Ladinhotel"

- **Meisa torona** "Identità locala te n marcià mondieèl" con intervenc de Paolo Collini (Preside de la Facoltà de Economia de Trent), Mariangela Franch (Università de Trent), Alessandro Chiochetti (Union Europeèna)

te l'Hotel Valacia h. 18.30:

- **Premiazion concors logo "Ladinhotel"** - Buffet con magnadiva da zacan sport da la Sociazion di cheghes de Fascia

te l'Hotel Valacia h. 20.30:

- **"Agridulce"** Spetacol teatrel de Nicola Merli. N personaje spevech e dàtol ma con pech cervel e n secret che ge sciauda l'enema, na storia massa bela da contèr tras la paroles, n ator che per dir fora chel che l'è da dir l cognarà se palesèr. Agridulce l'è dut chest e amò auter, l prum "one idiot show" per ladin, scrit, endrezà e portà dant da Nicola Merli

te l'Hotel Valacia h. 21.30:

Musega e festa con "Cianky"

En sabeda ai 8 de mè a Sen Jan

te l'Hotel Active Olympic h. 17.00

- **Debatit: Aisciuda ladina 2010 e neva prospetives per l projet "ladin e economia"** con intervenc di raprejentanc di desvalives

setores del mond economic de Fascia:

te l'Hotel Active Olympic h. 19.00

- buffet con magnadiva da zacan sport da la Sociazion cheghes de Fascia

te auditorium de la Scola Ladina h. 21.00

- **"L secret del lech de l'ercabuan"** - Spetacol de musega e teater ispirà a la conties del Latemà. Tesè de Fabio Chiochetti, musega de Gianfranco Grisi con Nicola Merli (contastories), Noemi Iori (ousc) e i musizisc de l'Ensemble "Neuma" sot la direzion del maester Gianfranco Grisi.

Dut l spetacol se dejouc dintornvia la contia del "Lech de l'ercabuan" e de la bela vivèna trinzenèda dal Strion de Latemà, ma l se encroja con de altra stories viventan de etres lesc e personajes... Morchies, Salvans, Vivènes, che mesceida sia oujes co la cianties, la conties tradizionèles coi tempes neves, enscin a creèr n spetacol semper vif, senza età e donca gustegol per duc, gregn e bec.

Maratona de letura da jebia ai 4 de mè a sabeda ai 8 de mè te Stua del Museo Ladin

- h. 14.00 - 16.30 e inant mesdi per i scolees: **Maratona de letura**
Na bela ocajion per portèr dant, lejer e cognoscer poejes, conties, tesè de teater e de leturadura, se sà ben, per ladin.

Tolarà pèrt duc chi che ti dis dant se à enscinuà e i lejarà chel che ge soscedea emozion e chel che i vel spartir coi etres. Per se enscinuèr a la Maratona chiamèr 10462.762158.

Laboratorie per la scola en jebia ai 4 de mè: "La magia di cristai"

Scontrèda col "Cristallarmonio" de Gianfranco Grisi: laboratorie per i scolees de la populèra de Fascia per endrez di Servijes Educatives del Museo en colaborazion con la Scola Ladina.

